

六
典
通
考

六典通考卷七十三

湖西閻鎮珩輯

教典考

歷代國學

明初入國學者謂之監生舉人曰舉監生員曰貢監

有歲貢
選貢恩貢

貢納

品官子弟曰廕監捐貲曰例監洪武元年令品官子弟

及民俊秀通文義者充國子學生天下既定擇府州縣學生
入國子學又擇年少舉人趙惟一貢生董景等入學賜衣帳
命於諸司習吏事謂之歷事監生其尤英敏者入文華武英
堂說書謂之小秀才其才學優贍講明道德經濟之學謂之
老秀才初改應天府學爲國子學後改建雞鳴山下設祭酒

司業及監丞博士助教學正學錄典籍掌饌典簿等官分六堂曰率性修道誠心正義崇志廣業學旁宿諸生謂之號房厚給廩膳歲時賜布帛文綺襲衣巾鞞諸令節賞節錢每旦祭酒司業坐堂上屬官以次序立諸生揖畢質問經史朔望給假餘日升堂會饌乃會講復講背書論課以爲常月試經書義各一詔誥表策論判內科二日習書二百餘字選一人充齋長督課衣冠步履嚴飭中節夜必宿監有故而出齋長帥以白祭酒監丞置集愆簿不遵者書之再三犯者決責四犯者發遣安置宋訥吳顥等由儒士擢祭酒訥尤推名師歷科進士多出太學云中都亦置國學二十六年以其師生入京師永樂元年設北京國子監南京國子監如故六堂有積

分之法司業分左右各提調三堂凡通四書未通經者居正義崇志廣業一年半文理條暢者升修道誠心又一年半經史兼通文理俱優者升率性積分之法孟月試本經義仲月試論詔誥表內科季月試經史策判語文理俱優者與一分理優文劣者半分紕繆者無分歲積八分爲及格與出身不及者仍坐堂才學超異者奏請上裁

明初由監生起家者多致大官蓋舉人歲貢皆

稱監生自積分法廢舉人貢生罕入其中而郡邑諸生之太需次待年而貢者非俊秀之選於是歲貢資格益下矣

祖慮武臣子弟鮮知學問命大都督府選入國學在鳳陽者

卽肄業中都命李善長等考教官生員李文忠領監事嗣後

勳臣子多人監讀書

嘉靖元年令公侯伯未經任事三十以下者送監讀書

永樂中會

試下第令翰林院錄其優者入學給以教諭俸

會試有副榜大抵署教官

故入監者食其祿

宣德八年選副榜舉人二十四人送監翰林院三

月一考頗示優異後不復另試則取副榜年二十五以上者

授教職年未及者或依親或入監讀書既而不拘年齒依親

入監者皆聽

禮部尚書胡濙奏北京國子監生及見撥各衙門歷事者請令六部都察院通政使司大理寺

翰林院各堂官六科給事中三公同監官揀選年五十五以上

及殘疾貌陋不堪者皆罷爲民斥去一千九十五人又放南

北京國子監生二百五十三人禮部奏取天下生員四

十五以上者考試中者入監讀書不中者罷歸爲民 正統

十三年御史萬節請勅禮部多取副榜以就教職卻其請不

行成化十三年御史胡璘言教官多歲貢言行文章不足爲

人師請多取舉人選用而罷貢生勿選部議歲貢如舊而舉

人教官仍許會試自後就教者漸多矣嘉靖中南北國學空

虛議發下第舉人入監然不願入監者卒不可強貢生入監
由生員選擇各學歲貢一人故謂之歲貢洪武二十五年定
府學歲二人州學二歲三人縣學歲一人永樂八年定州歲
一人縣開歲一人宣德七年復洪武例正統六年定府歲一
人州三歲二人縣開歲一人宏治嘉靖間仍定從洪武制初
歲貢考行端文優者充之後但取食廩年深者宏治中南京
祭酒章懋來言歲貢挨次而升衰遲不振舉人坐監每多時
差撥近有增貢之舉而所拔亦挨次之人資格所拘英才多
滯乞於常貢外令提學行選貢之法務求學行兼優年富力
強累試優等者以充通計天下約取五六百三五年一行則
人材可漸及往年矣部議行之選貢多英才入監試上等撥

歷諸司亦有幹局歲貢頽老勢日絀惟願就敎而不願入監
嘉靖二十七年祭酒程文德請廷試歲貢畱卽選者於部餘
使入監歲貢諸生合疏言家貧親老不願入監禮部請從所
願而盡使舉人入監神宗時工科郭如心言選貢非祖制始
欲補歲貢之乏後遂妨歲貢之途請定其選神宗以爲然至
崇禎時又行之恩貢者國家有慶典或登極詔書以當貢者
充之納貢視例監廕生因前代任子之制文官一品至七品
得廕一子後限在京二品以上方得請廕謂之官生出自特
恩者不限官品謂之恩生成化三年令非任久績顯者毋得
濫敘廕敘由提學官考送經部試送監時內閣呂原子愷由
廕監補中書舍人乞應順天鄉試其後廕授舍人者俱得應

舉矣恩生始建文元年錄吳雲子黼爲國子生以雲死節雲南也正德十六年定例文武官死於忠諫者一子入監後守一官死節皆廕子矣宏治十八年定例東宮侍從官輔道有功沒後子孫乞恩禮部奏請上裁正德元年定祖父年勞及三年者一子授試中書舍人習字未及三年者一子送監讀書神宗十二年定例三品日講官雖未考滿一子入監例監始景泰元年邊事孔棘令天下納粟馬入監讀書限千人止四年罷日知錄景泰四年臨清縣學生員伍銘等願納米八百石乞入監讀書允其請詔各布政司及直隸府州縣學生員能出米八百石於臨清東昌徐州三處賑濟願入監讀書者聽又令生員納米入監者比前制減三百石開封府儒學教授黃鑒奏納粟拜官皆衰世之政未聞以納粟爲貢士者臣恐書之史冊取後世作俑之議禮部奏遲因濟寧徐州饑令生員輸米入監讀書雖云權宜實壞士習請弛其令從之成化二年南京大饑守臣

議欲令官員軍民子孫納粟送監禮部尙書姚夔言太學育才之地近者直省起送四十歲生員及納草納馬者動以萬計不勝其濫且使天下以貨爲賢士風日陋帝爲卻守臣之議然其後或遇歲荒或因邊警或大興工作率援往例行之訖不能止通幢小品近日民生納粟一途人頗輕之然監生圭峯以七試不錄入貲北雍中解元會元歷事始洪武五年建文時定上中下三等上等選用中下等仍歷一年再考上等者依上等用中等不拘品級隨才任用下等回監讀書永樂五年選監生三十八人隸翰林院習四夷譯書其後譯書中會試者多皆改庶吉士仁宗初政中軍都督府奏監生七人隸事勤慎請注選授官帝不許仍令入學由科舉以進宣宗以教官多缺選用監生三百八十人而

程富等以都御史願佐之薦於各道歷政三月選擇任之所
謂試御史也初令監生得積分出身天順以前在監十餘年
然後撥歷諸司歷事三月仍畱一年送禮部銓選其兵部清
黃及隨御史出巡者則以三年爲率其後監生積滯者多歲
揀選優者輒與撥歷宏治八年監生聽選吏部至萬餘人有
十餘年不得官者祭酒林瀚以坐班人少不敷撥歷請開科
貢禮部尙書倪岳奏科舉定額不可增惟請增歲貢人數而
定諸司歷事使諸生坐監稍久選人亦無壅滯嘉靖十年禮
部尙書李時引岳前議一增歲額以足坐班生徒一議差歷
以久坐班歲月其諸司歷事三月考勤之後仍歷一年從之
獨不增貢額未幾祭酒許誥提學御史胡時善請增貢額如

前議隆萬後學校積弛崇禎二年復積分法八年祭酒倪元
璐言貢選爲正流撥納爲閏流貢選不限撥期以積分歲滿
爲率撥納則依原定撥歷爲率而歷事不分正雜以考定等
第爲歷期多寡諸司教之政事校其勤惰開報吏部不率者
回監教習

歷代郡國鄉學

漢文翁爲蜀郡守見蜀地僻陋有蠻夷風欲誘進之乃選郡
縣小吏開敏有材者張叔等十餘人親自訪屬遣詣京師受
業博士或學律令減省少府用度買刀布蜀物齎計吏以遺
博士少府郡掌財物之府以此供太守數歲郡生皆成就還歸文翁以爲右
職用察舉官有至郡守刺史者又修起學官于成都市中招

下縣子弟爲學官弟子爲除更繇高者以補郡縣吏次爲孝

弟方田常選學官僮子使在便坐受事

便坐別坐可視事非正廷

每出行

縣益從學官諸生明經飭行者與俱使傳教令出入閣閣縣

邑吏民見而榮之數年爭欲爲學官弟子富人至出錢以求

之繇是蜀地學於京師者比齊魯焉武帝令天下郡國皆立

學校官自文翁爲之始云

師古曰文翁學堂今益州城內

元帝時郡國置五

經百石卒史元始三年郡國立學官曰學邑侯國曰校校學

置經師一人鄉曰庠聚曰序序庠置孝經師一人何武爲刺

史行部必先卽學官見諸生試其誦論問以得失

西漢以郡文學入官

梅福雋不疑韓延壽王章蓋寬饒諸葛豐鄭崇張禹

後漢建武初李忠爲丹陽太守以越俗不好學爲起學校習

禮容春秋鄉飲選用明經郡中向慕之明帝幸南陽召校官

子弟作雅樂奏鹿鳴帝自御埴箎和之

宋均謂辰陽長爲立學校寇恂爲汝南太

守修學校敎生徒聘能爲左氏春秋者親受學焉衛颯爲桂陽太守修庠序之儀任延爲武威太守造立校官自掾吏子

孫皆令受業復其徭役章句既通悉顯拔榮進之郡遂有儒雅之士秦彭爲泰山太守修明庠序每春秋饗祀輒修升降

揖遜之儀鮑德爲南陽太守時郡學久廢乃修起黌舍備俎豆黻冕行禮奏樂尊饗國老宴會諸儒觀者歆服魯不

爲趙相趙王商嘗欲避疾使時稍住學官不止不聽曰學官

傳五帝之道修先王禮樂敎化之處王欲廢塞以廣游讌事

不可聽詔從丕言

魏太祖初興使州縣立敎學之官文帝卽位遂闡其業興復

辟雍州立課試於是士復聞庠序之敎親俎豆之禮焉

晉太康時虞溥爲鄱陽內史大修庠序廣招學徒移告屬縣

具爲條制於是至者七百餘人溥乃作諸諭之曰文學諸生
皆冠帶之流年盛志美始涉學庭講修典訓此大成之業立
學之基也夫聖人之道淡而寡味故始學者不好也及至期
月所觀彌博所習彌多日聞所不聞見所不見然後心開意
朗敬業樂羣忽然不覺大化之陶已至道之入神也故學之
染人甚於丹青丹青吾見其久而渝矣未見久學而渝者也
夫工人之染先修其質孝弟忠信是也君子內正其心外修
其行行有餘力則以學文文質彬彬然後爲德夫學者不患
才不及而患志不立故曰希驥之馬亦驥之乘希顏之徒亦
顏之倫又曰剡而舍之朽木不知剡而不舍金石可虧斯非
其效乎時祭酒求更起屋行禮溥曰君子行禮無常處也故

孔子射於矍相之圃而行禮於大樹之下況今學庭庠序高
堂顯敞乎永和中征西將軍庾亮在武昌開置學官起立講
舍亮家子弟及參佐大將子弟悉令入學四府博學識議通
涉文學經綸者建儒林祭酒使班同三署厚其供給皆妙選
邦彥以充近臨川臨賀二郡並束脩復學校若非束脩之流
禮教不及而欲緣免役者不得爲生又繕造禮器俎豆之屬
梁武帝選學生遣就會稽雲門山受業於廬江何肩分遣博
士祭酒到州郡立學

後魏天安元年初立鄉學郡置博士助教各二人學生六十
人顯祖居亮闇引高允參決大政詔允曰庠序不建爲日久
矣道肆陵遲學業遂廢子衿之歎復見於今朕稽舊典欲置

學官於郡國卿宜與中祕二省參議允表曰自永嘉以來舊章殄滅鄉閭沒雅頌之聲京邑絕釋奠之禮道業陵夷百五十載仰惟先朝每欲憲章音典方事尙殷弗遑克復陛下申祖宗之遺志興周禮之絕業搢紳黎獻莫不幸甚臣並集二省披覽史籍靡不敦儒以勸其業貴學以篤其道宜如聖旨崇建學校以勵風俗請制大郡立博士二人助教二人學生八十人中郡立博士一人助教二人學生六十人下郡立博士助教各一人學生四十人其博士取博關經典世履忠清堪爲人師者年限四十以上助教亦與博士同年限三十以上若道夙成才任教授不拘年齒學生取郡中清望人行修謹堪循名教者先高門次中第顯祖從之郡國立學自此始

李訢上疏求立學校曰臣昔管中祕時課修學有成立之人
髦俊之士已蒙進用今顯任方岳欲依先典於州郡治所各
立學官使冠冕之胄就而受業其經藝通明者貢之玉府從之

北齊諸郡立學置博士助教授經學生俱被差逼充員士流
及豪富之家皆不從調多被州郡官人驅使游惰亦不檢察
諸郡俱得察孝廉其博士助教及游學之徒通經者推擇充
舉射策十條通八以上聽九品出身其尤異者亦蒙抽擢

隋仁壽元年詔廢州縣學

唐京都學生八十人大都督中都督府上州各六十人下都
督府中州各五十人下州四十人京縣五十人上縣四十人
中縣中下縣各三十五人下縣二十人州縣學生州縣長官
補長史主焉歲仲州縣館監舉其成者送之尚書省

唐六典
凡貢舉

人有博識高才強學待問無失俊選者爲秀才通二經已上者爲明經明開時務精熟一經者爲進士通達律令者爲明法其人正直清修名行孝義旌表門閭堪理時務亦隨資貢爲孝弟力田上州歲貢三人中州二人下州一人若有茂才等亦不拘以常數

武德七年詔諸州縣及鄉並令置學有明一經以

上有司試冊加階開元二十一年勅諸州縣學生年二十五以下八品九品子若庶人並年二十一以下通一經及未通

經精神聰悟有文詞史學者每年銓量舉送所司簡試聽入

四門學充俊士卽諸州人省試不第願入學者聽國子監所

管學生尙書省補州縣學生州縣長官補

州縣學生取郭州縣學生取郭州縣學生取郭

諸州

縣學生習正業外仍兼習吉凶禮公私有禮事處令視儀式

餘皆不得輒使諸百姓任立私學其欲寄州縣受業者亦聽

二十六年勅古者鄉有序黨有塾將弘長儒教誘進學徒化

人成俗率由於是其天下州縣每鄉之內里別各置一學仍擇師資令其教授貞元二年右補闕宇文炫上言請京畿諸縣鄉村廢寺並爲縣學疏奏不報

後唐天成三年宰臣崔協奏請諸道州府各置官學如鄉黨備諳文行可舉者錄其事申監司解送但一身就業不得影庇門戶

宋太平興國二年知江州周述言廬山白鹿洞學徒數千百人乞賜九經肄習詔國子監給本傳送先時南唐升元中白鹿洞建學館以本道爲洞主教授又賜石鼓書院勅額唐元和中間衡州李寬所建大中祥符二年應天府民曹誠造舍百五十間聚書數千卷博延生徒講習甚盛府奏其事詔賜額曰應天府書

院命奉禮郎戚舜賓主之本府幕職官提舉以誠爲府助教
八年賜潭州嶽麓書院額始開寶中郡守朱洞首度基創宇
以待四方學者李允則來爲州請於朝乞以書藏是時山長
周式以行義著八年召見便殿拜國子學主簿使歸教授詔
賜書院名增賜中祕書宋興天下四書院外又有西京嵩陽書院賜出於天聖二年嵩陽茅山後無聞獨四書院之仁宗
名著後來學院尤多田土之錫教養之規皆倣四書院即位賜充州學田已而又令藩輔皆立學其後諸旁郡多願
立學者詔增賜之田如州由是學校之設徧天下皇祐四年
藩輔乃得立學他州勿聽慶厯四年詔曰儒者通天地人之理明古今治
亂之原可謂博矣然學不得騁其說而有司務先聲病章句
以拘牽之則豪俊奇偉之士何以奮焉士以純明樸茂之美

而無學教養成之法使與不肖並進則夫懿德敏行何以見焉夫遇人以薄者不可責其厚今朕建學興善以尊子大夫之行更制革敝以盡學者之才有司其務嚴訓導精察舉以稱朕意學者進德修業無失其時其令州若縣皆立學本道使者選部屬官爲教授員不足取於鄉里宿學有道業者由是州郡奉詔興學

安定胡瑗自慶曆中教學於蘇湖開東脩弟子前後數千計時方尚辭賦獨湖學以

經義及時務學中有經義治事齋經義齋者擇疏通有器局者居之治事齋者人各治一事又兼一事如邊防水利之類故天下謂湖學多秀彥其出而筮仕爲政多適於世用

五年詔四方游士輕去鄉閭浸

不可止今後有學州縣毋得輒容非本土人居止聽習若吏以繕修爲名而斂會民財者按舉之熙寧四年詔置京東西河東北陝西五路學以陸佃等爲諸州學官令諸州訪逐路

有經術行誼者雖未仕給簿尉俸使權教授他路州軍命選

薦京朝官有學行可人師者堂除逐路官兼所任州教授州

給田十頃爲學糧仍置小學教授

黃祖舜言抱道懷德之士多不應科目乞訪其學行

修明孝友純篤者縣薦之州州延之庠序以表率多

八年秋

詔諸州學官先赴學士院試大義五道取優通者選差元豐

元年諸路州府學官共五十三員

時大興學校重師儒之官不肯輕授所任者既有出

身又必試中而後授元祐初齊肅宿常度穎同懷澶河陽等

州相繼置教授三舍法行員額愈多宣和時罷州縣學三舍

罷學田房廩等在行三舍後添給者亦拘收云元祐元年詔

近臣擇明經行修堪內外學官者人舉二員罷試補法二年

中丞胡宗愈言學者初登科選顓師席非是詔內外學官經

任年至三十方得選三年官學教授闕選諸嘗被舉爲學官

及中十科中可爲師表者官已升朝年及四十乃得爲之紹
聖元年三省立格侍從臺諫國子長貳歲舉堪任諸州學官
一員制科及進士第在上五人禮部奏名在上三人府監廣
文館第一人或從太學上舍得第皆不試餘附吏部試兩經
大義各一以通經善作文爲令格於是內外見學官非制科
進士出身及由上舍生入官者並罷監察御史黃慶基奏先
朝以經術設爲三舍考察行藝著爲定令請州學皆立學期
以一年考察無玷乃許應舉元符二年令諸州行三舍法教
授考選升補如太學州上舍一人內舍二人歲貢入京師其
上舍附太學補外舍試中補內舍三試不升舍者遣還其內
舍免試至則補內舍諸路選監生一員遇試補上舍生選有

出身官一人同教授考選崇寧元年蔡京請天下皆置學郡少或應書人少合二三州共一學學悉置教授二員縣亦置學州縣皆置小學推三舍法徧行天下州學生三年貢入太學附上舍試別立號分三等上等補上舍中等補下等上舍下等補內舍餘爲外舍諸州軍解額以三分之一充貢士開封府畱五十五額解士人之不入學者餘給諸州爲貢額外官子弟親戚許入學法應避者聽學於他州不得升補與貢在學一年給牒至太學用國子生額解試若所貢士試中上等或升舍人多其本貫監司太守推賞有差州給常平係省田宅充養士費縣用地利所出及非係省錢詔立法頒降二年詔諸州前舉試者踰二百人許置百員數減則以三分之一

二爲額上舍內舍額如之縣學裁其見籍三而汰一生員嘗
公私試雖不中亦復其身又詔國子監有上書及三舍生誣
訕異論悉遣歸自訟齋拘之三年令州縣學用三舍法陞太
學隸學三年三經公試不與選兩經補內舍貢上舍不及格
且犯三等以上法若外舍卽除籍歸縣內舍降舍而私試不
入等若曾犯法亦除籍每上舍生升舍其秋卽貢入辟雍長
史集闕郡官提舉司官卽其本所燕設以禮津遣自川廣福
建入貢者給借職券過二千里給大將券路食皆以學錢給
之如有孝弟嫺睦任恤忠和若行能尤異爲鄉里所推縣上
之州免試入學教授知通詢審無謬卽保任入貢不實者坐
罪有差凡有入行實狀鄉上之縣縣延入學審考無僞上州
第其等孝悌忠和爲上睦嫺爲中任恤爲下苟備

八行卽奏貢入太學免試補上舍司成以下審考卽釋褐優
加升擢不能備者爲州學上舍上舍入刑則反入行以其罪
名上于州毋詔崇寧五年貢士不如令者三十八人皆遣歸
得補弟子員

提學官皆罰金建州浦城縣丞徐秉哲以其縣生隸籍者千
餘人爲一路最特遷一官詔縣學生三歲不赴升試者除籍

諸州學生五百人以上置教授二不及八十人罷教授以在

州有科名官兼學事能改齋叢錄政和四年臣僚言見任教授不得爲人撰書啟簡牘樂語之類庶

日力有餘辨舉職事陳瑩中初任穎昌教授韓持國爲守開
宴用樂語左右以舊例必教授爲之公因命陳陳曰朝廷師

儒之官不當撰俳優之文持國遂薦諸朝四年鮑耀卿言今州縣學考試語涉時

忌雖工不取如曰休兵息民節用豐財罷不急之役清入仕

之流諸語熙豐紹聖間試者共用今悉絀之宜禁止詔可聖紹

崇觀後立元祐學禁郡縣置自訟齋以拘誹謗時政之人至
文字拘忌言休兵節用則恐類元祐之學言災凶危亂則恐

涉誹謗之語所謂轉喉觸諱者也 七年給事中毛友言富家子弟捐數百緡

錢求人試補入學遂免身役比歲升不中數年而始除籍則倖免已多請初試補縣學人並簾試以別僞冒從之宣和三年罷州縣學三舍法臣僚言元豐六年學官詔試六十人索取纔四人皆知名士故學者厭服近大觀政和所試率三人取一其選益輕欲自今十人取一以重其選從之又詔天下三百餘州州當有兩教授者員闕且五百大臣豈能盡察才否不過破格應親故請求而已比嘗命八行教授止許大藩員外置之不以莅職夫八行老成有行實又經廷試登科顧不得與諸生講前詔未詳審罷勿行建炎初復教官試紹興中議者謂欲爲人師而自納所業於有司以幸中度乃罷其

試而自朝廷選差已而復之凡有出身先具經義詩試各三
首赴禮部乃下省闈分兩場試之取其文理優者初任諸州
教官繇是爲兩學之選十五年國子監丞文浩言師儒之官
於羣經宜無所不通請於六經中臨期取二經各出兩題以
貫穿該贍爲合格詔行焉其後四川制置司遇類試年亦放禮部附試十八年從
江西轉運賈直清之請縣學委知通於令佐內選有出身官
兼領教導諸州軍未差教授處令提舉司於本州有出身官
選差兼領若州縣官俱無出身令本學長諭專知州縣令察
檢從之二十一年大理寺主簿丁仲京奏贍學田土多爲勢
家侵佃望令提舉學士官覺察上謂大臣曰旣不度僧多有
絕產其併撥以贍學戶部請令提舉司置籍拘管

朱子崇安縣學田記曰予惟三代盛時自家以達於天子諸侯之國莫不有學而自天子之元子以至於士庶人之子莫不入焉則其士之廩於學官者宜數十倍於今日而考之禮典未有言其費出之所自者豈當時爲士者之家各已受田而其入學也有時故得以自食其食而不仰給於縣官也與至漢元成間乃謂孔子布衣養徒三千而增學官弟子至不復限以員數其後遂以用度不足無以給之而至於罷夫謂三千人者聚食於孔子之家則已妄矣然養士之需至於以天下之力奉之而不足則亦豈可不謂難哉蓋自周衰田不井授人無常產而爲士者尤厄於貧反不得與爲農工商者齒上之人乃欲聚而教之則彼

又安能終歲裹飯而學於我輩以其費雖多而或取之經常之外勢固有不得已也葉適曰崇觀政和間嘗考察州縣之學使士之進皆由此而罷科舉其法未必不善然所以行是法者皆天下之小人也故不久而遂廢今州縣有學宮室廩餼無所不備置官立師其過於漢唐甚遠惟其無所考察而徒以聚食而士之俊秀者不願於學矣州縣有學先王之餘意幸而復見將以造士使之俊秀而其俊秀者乃反不願於學豈非法度之有所偏而講之不至乎今州縣之學宜使考察上於監司聞於禮部達於天子其卓然成德者或進於太學或遂之官人知由學而科舉之陋稍可洗去學有本統而古人文憲庶不墜失

金大定十六年置府學十七處共千人初以嘗與廷試及宗室皇家祖免以上親得解者爲之後增州學加以五品以上曾任隨朝六品官之兄弟子孫餘官之兄弟子孫經府薦者同境內舉人試補三之一闕里廟宅子孫年十三以上不限

數經府薦及終場免試者不得過二十人凡試補學生提舉
學校官主之章宗卽位戶部尙書鄧儼等議曰唐文皇養士
八千人亡宋兩學五千人今策論詞賦經義三科取士而太
學所養止百六十人外京府或至十人天下僅及千人若每
州設學教授月加考試每舉所取數多者賞其學官月試定
爲三等一歲中頻在上等者優復之不率教行惡者黜之庶
得人之道也又八行者亡宋取周禮六行孝友睦婣任恤加
中和爲八也行莫大於孝廉今已有舉孝廉之法及民有才
能德行者令縣官薦之今制犯十惡姦盜者不得應試亦六
德六行之遺意也上從其議計州府戶口增養士之數置節
鎮禦防刺史州學六十處各設教授選五舉終場或進士年

五十以上者爲之府學二十有四

大興開封平陽真定東平府各六十八人太原益都府

各五十大定河間濟南大名京兆府各四十五人遼陽彰德府各三十人河中慶陽臨洮河南府各二十五人鳳翔平涼

延安咸平廣寧興節鎮學三十九 絳定衛懷滄州各三十人萊密潞汾冀邢兗州各二

十五人代同邠州各二十人奉聖防禦州學二十一 博德洛州十五人餘二十三節鎮皆十五

六州各十人女直學自大定四年以女直大小字譯尙書頒

行之後擇猛安謀克內良家子弟爲學生諸路至三千人九

年取其尤俊秀者百人以編修官溫迪罕締達教之諸路女

直府學以新進士爲教授

元中統二年始置諸路學校官諸生嚴加訓誨務成材以備

選用至元十九年雲南諸路皆建學大司農上諸路學校二

萬一百六十六所二十五年令集賢院諸司鈎考江南學田

所入羨餘貯之集賢院以給多材藝者二十四年以南城國子學爲大都路學二十八年令諸路設小學選老成士教之或自願招師及自受家學者聽凡師儒命於朝者曰教授路府上中州置之命於禮部及行省宣慰司者曰學正山長學錄教諭路州縣及書院置之路設教授學正學錄各一散府上中州教授一下州學正一縣教諭一書院山長一中原州縣正長錄諭並受禮部付各省州縣正長錄諭並受行省及宣慰司剗付設直學掌錢穀從郡守及憲府官試補直學考滿又試所業十篇升學錄教諭初充學錄教諭者試詞賦小賦論孟義各一明經解題各一學正升教授試詞賦一大義一明經解題各二諭錄歷兩考升正長正長一考升散府上

中州教授又歷一考升路教授教授上各省設正副提舉後
改直學考滿爲州吏下第舉人充正長備榜舉人充諭錄有
薦舉者參用虞集議曰師道立則善人多今天下學官猥以
資格授彊加之諸生之上有司弗信也生徒弗
信也莫若使守令求經明行修爲成德君子身師尊之以教
於其郡邑次則求夫操履近正而不爲詭異駭俗者確守先
儒經義師說而不敢妄爲奇論者衆所敬服而非鄉愿之徒
其次則取鄉貢罷歸者當今之世未至乏才而徒用其又次
之一言不過以資格授之而耄鄙之夫遂以諸路蒙古字學
學官爲餽口之地教訓之員名存而實廢矣諸路蒙古字學
至元六年命諸路府官子弟入學上下路各二人府州各一
餘民閒子弟上路三十人下路二十五願充生徒者免一身
雜役以譯寫通鑑節要頒行各路肄習之大德五年定生員
散府二十人上中州十五下州十元貞元年命有司給諸路
蒙古學生員餼廩具學官至元十九年擬路府設教授大德

四年設學正

明洪武二年諭中書省臣曰朕惟治國以教化爲先教化以學校爲本郡縣令皆立學校延師授徒講論聖道使人日漸月化以復先王之舊於是府設教授州設學正縣設教諭各一俱設訓導府四州三縣二府學生員四十州縣以次減十師生月廩米人六斗有司給魚肉學官月俸有差生員專治一經以禮樂射御書數分科務求實才不率者黜之唐書儒學始置生七十二員取三品以上子弟若孫爲之太學百四十員取五品以上四門學百三十員取七品以上上郡學生六十員中下以十爲差此生員之名所始十五年頒禁例十二條鐫立臥碑置明倫堂之左不遵者以違制論宣德中定增廣之額京府學六十人外府學四十人州縣以次減禮部

尚書胡濙奉旨令各處巡按御史同布政司按察司並提調
官教官同考試生員食廩膳七年學無成效者發充吏六年
追還廩米黜爲民成化中定四衛以上軍生八十人三衛軍
生六十二衛一衛軍生四十有司儒學軍生二十人土官子
入附近儒學無定額凡諸生食廩者謂之廩膳生員增廣者
曰增廣生員久又於額外增取謂之附學生員正統十二年
奏准軍民子
弟願入學者提調教官考選俊秀
待補增廣員缺一體考送應試凡初入學謂附學而廩膳
增廣以試等第高者充久次者充歲貢洪武二十四年詔歲
貢生不中廩食五年
者罰爲吏不及五年者遣還
讀書次年復不中亦罰爲吏提學任三歲兩試諸生以六等
試優劣謂之歲考一等前列視廩膳生有缺依次補餘補增
廣生二等給賞三等如常四等撻責五等廩增遞降附生降

青衣六等黜革繼取一二等爲科舉生員謂之科考等仍分六而三等不得應鄉試舉人一名科舉三十名舉人屢廣額科舉數亦增及求舉者眾定額外又加取焉嘉靖十年下沙汰生員之令御史楊宜爭之而止神宗時張居正當國核減天下生員督學奉行太過有一州縣僅錄一人者生員入學初由巡按御史布按兩司及府州縣學官正統元年特置提學官南北直隸俱御史各省參用副使僉事正統十年廣東自設提調學校官監臨上司嫌於侵職巡歷所至置之不問如廣東諸定阻江隔海提學官不過歲一至徒爲文具乞罷之禮部尚書胡濙言布按二司所至處自應提督考校府州縣提調正官每月朔望照例詣學考其勤惰今因設提學官彼此推諉乃職之咎也得旨申飭仍令巡按御史糾舉提學官之不職者疏幹請罷提學御史等官部議從上不允景泰元年罷提學官天順六年復設賜敕諭十六條直省有

所轄太廣及地僻遠歲巡不能及者乃酌其宜口外及各都
司衛所土官以屬分巡道直隸廬鳳淮揚滌除和屬江北巡
按湖廣衡永郴屬湖南道辰靖屬巡按御史神宗四十一年
南直隸分上下江湖廣分南北各增提學一員提學所受詞
訟重者送按察司輕者發有司直隸轉送巡按御史初制教
官擢給事御史諸生歲貢者易得美官教官考滿兼覈其歲
貢生員之數後以歲貢爲學校常例張淑譽曰高皇帝定天
下詔府衛州縣各學置
師必擇經明行修者爲之有能舉其職而最書於朝者或擢
爲國子祭酒及翰林侍從之職英宗以後始錄天下歲貢爲
之閒有縣舉大進士除授者州縣長官及監司之臨者率以
簿書升斗之吏視之而不復崇以體貌是以其望易狎而其
氣易衰即有一二能以師道聞而得薦擢者亦不過授以州
縣之吏其取之也太隘其待之也太卑無怪乎教術之不興
人才之難就矣學官考課以科舉爲殿最九年任滿覈其中式舉人

府九人州六人縣三人者爲最其教官又考通經卽與升遷舉人少者爲平卽考通經不遷舉人至少及全無者爲殿又

考不通經則黜降

天順三年建安縣老人賀煬言郡邑學校之官眞才實學百無二三虛糜廩祿猥瑣

貪饕受業解惑其措一辭雖有英才何由而成至於生徒玩愒歲年循資濫升侵尋老耄授以一官但知爲身家之謀豈復有功名之念始也聚羣鴟而飲啖終也縱羣猥以牧人苟不嚴行考選則人材日陋士習日下矣上是其言命巡按御史同布按二生員入學十年學無成及有大過者送部充吏

司分巡考之

生員入學十年學無成及有大過者送部充吏

追廩糧正統十四年申明其制受贓姦盜冒籍宿娼居喪娶妻妾所犯事理重者直隸發充國子監膳夫各省發充附近儒學膳夫齋夫滿日爲民追廩米犯輕者充吏不追廩米諸生累試不第年踰五十願退閒者給冠帶復其身自後納粟例行諸生又有援例出學者提學官歲試令教官舉諸生優

劣者一二人賞黜之以爲勸懲

陸世儀曰今世天子以師儒之官爲虛銜而不知執經問道郡縣以簿書期會爲能事而不知尊賢敬老學校之師以庸鄙充數而不知教養之法黨塾之師以時文章句爲教而不知聖賢之道儼捷者謂之才能方正者謂之迂樸蓋師道至於今而賤極矣卽欲束脩底厲人誰與之如此而望人才之多天下之治不可得矣又言教官不當有品級亦不得謂之官蓋教官者師也師在天下則尊於天下在一國尊於一國在一鄉尊於一鄉無常職亦無定品惟德是視若有品級則僕僕亟拜非尊師之禮矣至其冠服當別製爲古冠服如深衣幅巾及忠靖巾之類仍以鄉國

天下爲等庶師道尊儒風振而聖人之徒出矣顧炎武曰
國家取生員而考之以經義論策表判者欲其明六經之
旨通當世之務也今舍聖人之經典先儒之注疏與前代
之史不讀而讀其所謂時文時文之出每科一變五尺童
子能誦數十篇而小變其文卽可以取功名而鈍者至白
首而不得遇老成之士旣以有用之歲月銷磨於場屋之
中而少年捷得之者又易視天下國家之事以爲功名者
惟此而已故敗壞天下之人才而至士不成士官不成官
兵不成兵將不成將然後寇賊姦宄得而乘之敵國外侮
得而勝之苟以時文之功用之於經史及當時之務則必
有聰明俊傑通達治體之士起矣請用辟舉之法而並存

生員之制天下之人無問生員與否皆得舉而薦之朝廷則所收者既博而其廩之學者爲限額略倣唐人郡縣之等小郡十人大郡四十人而止小縣三人大縣二十人而止約其戶口多寡人材高下而差次之有闕則補而罷歲貢舉人二法其爲諸生者選其通雋皆得就試於禮部而成進士者不過授以簿尉親民之職而無使之驟進以平其貪躁之情其設教官必聘鄉之賢者而無隸於仕籍罷提學之官而領其事於郡守諸生中有薦舉而入仕者有考試而成進士者亦或有不率而斥退者有不幸而死及衰病不能肄業願給衣巾以老者闕至二三人然後取通經能文者補之則天下之生員少人重之而其人亦知自

重爲之師者不煩於教而向所謂聚徒合黨以橫行於國中者將一禁而自止若夫溫故知新中年考校以斷至於成材則當酌乎古今之法而茲不具論也或曰天下之才無窮使之壅壅於聖生柰何曰取士之方不特諸生一途而已夫取士以佐八主理國家而僅出一塗未有不弊者也

六典通考卷七十四

湖西閣鎮珩輯

實興考

周實興

古之帝者求賢於側陋之中先試之以事然後舉而加諸上位九男之往畎畝二女之觀醵泖是也舜闢四門明四目達四聰元愷之族連彙並進地平天成時維乃功夏之末伊尹耕於有莘之野湯使人以幣聘之三反而後應傳說有罪夷爲胥靡高宗得之於夢中畫象旁求爰立作相由是觀之古之士所以自待其身者至重而人主亦不敢挾勢以傲士是以折節隆禮以成其德

義之尊及周將興伯夷太公望自海濱來歸而榮散二
號爲國之幹下至奉璋執璫之臣亦皆一時之選詩曰
濟濟多士文王以寧此之謂也蓋自唐虞迄於三代鄉
國各立學校以養俊彥德成藝備授之以官其士之遠
在千里外者則方岳大臣歲時各以名聞尚書大傳曰
禮三年一貢士於天子命與諸侯輔助爲政所以通賢
共治示不獨專重民之至大國舉三人次國舉二人小
國舉一人一適謂之好德二適謂之賢賢三適謂之有
功一不適謂之過謂三年時也再不適謂之傲謂六年時也三不
適謂之誣謂九年時也漢書食貨志曰其有秀異者移鄉學
於庠序庠序之異者移國學於少學諸侯歲貢少學之

異者於天子學於大學命曰造士行同能偶則別之以射然後爵命焉周衰學廢士各游散於諸侯之國挾其辯智干取祿位秦用李斯計多方招致陷以重金其不來者利劒刺之故秦最多苟利忘恥之士及漢以後士之顯用者或出於薦舉或選以九品或拔自科目風俗有純僞人才有高下世變不同法亦因之而易矣今採成周論鄉之制爲賓興考而以鄉飲酒並鄉射禮附之至後世取士之典雖不盡衷於古然亦時有先王賓興之遺意焉

大司徒以鄉三物教萬民而賓興之一曰六德知仁聖義忠和二曰六行孝友睦婣任恤三曰六藝禮樂射御書數

事物猶事也

興猶舉也民三事教成鄉大夫舉其賢者能者以飲酒之禮賓客之既則獻其書於王矣知明於事仁愛人以及物聖通而先識義能斷時宜忠言以中心和不剛不柔善於父母爲孝善於兄弟爲友睦親於九族姻親於外親任信於友道恤振憂貧者禮五禮之義樂六樂之歌舞射五射之法御五御之節書六書之品數九數之計朱子曰先王之世教民以德行道藝而實興之法行於上者如彼雖欲人才之不成風俗之不厚不可得矣正使士之賢者或不免於外幕有司之不明者或不足以得人然其所以相求者蓋猶出修身謹行之意一得其人則其法固萬世不易之良法也後世專以詞藝取人而不考其言行使士之賢者猶不免急於彼而緩於此有司之良者每恨無以必得行藝才業之人而其不賢不良者則固以爲當然而不之怪也然則人才風俗之所成就安得不愧於古上之人何重於此而不之革哉

鄉大夫三年則大比考其德行道藝而興賢者能者鄉老

及鄉大夫帥其吏與其眾寡以禮禮賓之

賢者有德行者有能者有道藝者眾寡

謂鄉人之善者無多少也興賢者謂若今舉孝廉能者謂若今舉茂才賓敬也敬所舉賢者能者變舉言興者謂合眾而尊寵之以鄉飲酒之禮禮而賓之

厥明鄉老及鄉大夫羣吏獻賢能之書於

王王拜受之登於天府內史貳之

厥其也其賓之明日也獻猶進也王拜受之重得賢

者王上其書於天府天府掌祖廟之寶藏者內史副寫其書者當詔王爵祿之時

退而以鄉射之禮

五物詢眾庶一曰和二曰容三曰主皮四曰和容五曰興舞

以用也行鄉射之禮而以五物詢於眾鄭司農云詢謀也問於眾庶宜復有賢能者和謂闔門之內行也容謂容貌也主

皮謂善射射所以觀士也故書舞為無杜子春讀和容為和頌謂能樂也無讀為舞謂能為六舞元謂和載六德容包六

行也庶民無射禮因田獵分禽則有主皮主皮者張皮射之無侯也主皮和容與舞則六藝之射與禮樂與當射之時民

必觀焉因詢之也孔子射於矍相之園蓋觀者如堵牆射至於司馬使子路執弓矢出誓射者又使公罔之裘序點揚觶

於司馬使子路執弓矢出誓射者又使公罔之裘序點揚觶

而語詢眾庶此謂使民興賢出使長之使民興能入使治之
之儀若是乎
言是乃所謂使民自舉賢者因出之而使之長民教以德行道藝於外也使民自舉能者因入之而使之治民之貢賦田役之事於內也言為政以順民為本也書曰天聰明自我民聰明天明威自我民明威老子曰聖人無常心以百姓為心如是則古今未有
遺民而可為治
州長正月之吉各屬其州之民而讀法

以考其德行道藝三年大比則大考州里以贊鄉大夫廢興
黨正正歲屬民讀法而書其德行道藝
書記
族師各掌

其族之戒令政事月吉則屬民而讀邦法書其孝弟睦姻有
學者閭胥以歲時各數閭之眾寡辨其施舍凡春秋之祭
祀役政喪紀之數聚眾庶既比則讀法書其敬敏任恤者
詳
法
篇

禮書閭胥聚民無常時族師屬民有常月族師歲屬以月

吉與春秋黨正歲屬以孟吉與正歲州長歲屬以正月之
吉與春秋然後鄉大夫三年大比之以卑者其職煩尊者
其事簡也由黨正而下有所讀有所書州長則有所讀無
所書而有所攷鄉大夫則攷而興之無所讀敬敏任恤易
知者也故閭師書之孝悌睦嫻有學難知者也故族師書
之德行則非特孝悌也道藝則非特有學也故黨正書之
書之者易攷之興之者難故書之止於黨正攷之在州長
興之在鄉大夫以卑者其責輕尊者其任重也凡此皆教
之有其術養之有其漸方其在學也一年視離經辨志三
年視敬業樂羣五年視博習親師七年視論學取友謂之
小成九年知類通達強立而不反謂之大成此中年攷校

之法也大胥掌國學士之版春合舞秋合聲於其合聲則
頒次其所舉而辨異之諸子掌國子之倅春合諸學秋合
諸射以攷其藝而進退之此比年攷校之法也學之攷校
如此鄉之攷校又如彼所掌非一人所積非一日此人人
所以莫不激昂奮勵以趨上之所造也

遂大夫各掌其遂之政令三歲大比則率其吏而興毗明其
有功者屬其地治者與毗舉民賢能如六卿之所爲也屬猶

治職

司諫掌糾萬民之德而勸之朋友正其行而強之道

藝巡問而觀察之以時書其德行道藝辨其能而可任於國

事者

朋友相切磋以善道也強猶勸也學記曰強而弗

王

制命鄉論秀士升之司徒曰選士移名於司徒也秀士鄉大

夫所考有德行道藝者也

司徒論選士之秀者而升之學曰俊士可使習禮升於司徒者學大學者不徵於鄉升於學者不徵於司徒曰造士不徵不給其餼禮則爲大樂正論造士之秀者以告於王而升諸司馬曰進士移名於司馬進士可進爵祿也司馬辨論官材辨其論官其材觀其所長論定然後官之任官然後爵者以告於王而定其論各署其論論定然後官之任官然後爵之位定然後祿之

禮書秀於一鄉謂之秀士中於所選謂之選士俊士以其德之敏也造士以其材之成也進士以其將進而用之也選士升於司徒而不徵於鄉俊士升於學而不徵於司徒俊士亦謂之造士蓋學至於此材成德敏非可一名命之也傳曰十人曰選百人曰俊此論其大致然也古之六卿

其分職也未嘗不通其聯事也未嘗不分司徒掌邦教司馬掌邦政未嘗不分也有發則司徒教士以車甲升造士則司馬辨論官材未嘗不通也周官大司馬之屬司士曰以德詔爵此司馬辨論官材之謂也

月令季春勉諸侯聘名士禮賢者

勉猶勸也聘問也名士不仕者也

孟夏命太

尉贊傑俊遂賢良舉長大

助長氣也贊猶出也傑俊能者也遂猶進也三王之官有司馬無太

尉秦官則有太尉今俗人皆云周公作月令未通於古

行爵出祿必當其位文王世

子凡語於郊者

語謂語說於郊謂舉

必取賢斂才焉或以德進或以事

舉或以言揚

大樂正論造士之秀者升諸司馬曰進士謂此矣

曲藝皆誓之

曲藝為

也誓謹也皆

以待又語

又語為後復論說也

三而一有焉

三善則取之

使謹習其事以有曲藝乃進其等

進於眾

以其序

又以其謂之郊人遠之

侯事官之缺者以待之遠之於成均以及取爵於上尊也董
舒曰五帝名大學曰成均則虞庠近是也天子射義古者
飲酒於虞庠則郊人亦得酌於上尊以相旅

天子之制諸侯歲獻貢士於天子天子試之於射宮其容體
比於禮其節比於樂而中多者得與於祭其容體不比於禮

其節不比於樂而中少者不得與於祭祭數與於祭而君有慶

數不與於祭而君有讓數有慶而益地數有讓而削地故曰

射者射為諸侯也歲獻國事之書及計儲物也三歲而貢

國語正月之朔鄉長復事鄉長鄉大夫也復白也周禮正

班於鄉吏君親問焉曰於子之鄉有居處好學慈孝於父母

聰慧質仁慧解聰也發聞於鄉里者有則以告有而不以告

謂之蔽明其罪五有司已於事而竣竣退也公又問焉曰於子

之鄉有拳勇股肱之力秀出於眾者

歷本曰股肱臂也大勇為拳

有則以

告有而不以告謂之蔽賢其罪五有司已於事而竣桓公又

問焉曰於子之鄉有不慈孝於父母不長弟於鄉里驕躁淫

暴不用上令者

上君也

有則以告有而不以告謂之下比

比阿黨也

其罪五有司已於事而竣是故鄉長退而修德進賢桓公親

見之遂使役官

役為

桓公令官長期而書伐

伐功也書其所

也 以告且選選其官之賢者而復用之

復白

公召而與之語

嘗相其質

嘗量也

足以比成事

比輔也足以輔其事

升以為上卿

之贊

贊佐

謂之三選

三選謂鄉長所進官長所造公所嘗相也

國子高子退而修

鄉鄉退而修連連退而修里里退而修軌軌退而修伍伍退

而修家及五屬大夫復事公問之如初五屬大夫於是退而

修屬屬退而修縣縣退而修鄉鄉退而修卒卒退而修邑邑退而修家是故匹夫有善可得而舉也匹夫有不善可得而誅也

馬端臨曰讀國語此章而參以王制所言司徒俊選之事然後知古之聖賢其於化民成俗選賢與能二事視其賢愚升沈舉切吾身故其爲法甚備其教人也不特上賢以崇德而必欲簡不肖以絀惡其舉人也不特進賢受上賞而必欲蔽賢蒙顯戮蓋賞罰相胥而行則始不視爲具文後世非不立學校也而未聞有不帥教之罰蓋姑選其能者而無能之人則聽其自爲不肖而已非不興選舉也而未聞有蔽賢之戮蓋姑進其用者而未用之人則聽其自

爲不遇而已其教之也不備其選之也不精宜人才之日衰也

鄉飲酒禮

儀禮鄉飲酒之禮鄭目錄云諸侯之鄉大夫三年大比獻賢酒禮於五禮屬嘉禮

孔穎達曰鄉飲酒有四一三年賓賢能二鄉大夫飲國中賢者三州長習射飲酒四黨正蜡祭飲酒皆謂之鄉飲酒鄉三年一飲州一年再飲黨一年一飲天子六鄉諸侯三鄉各有鄉大夫而鄉有鄉學取致仕在鄉之中大夫爲父師致仕之士爲少師名爲鄉先生以教鄉中之人每年入學三年業成必升於君升之必用正月將升用之先爲飲

酒之禮鄉大夫與鄉先生謀事擇學士最賢使爲賓次者爲介又次者爲眾賓皆鄉大夫爲主人與之飲酒而後升之若州一年再飲者是春秋習射因而飲之以州長爲主人黨一年一飲者是十二月大蜡祭而黨中於學飲酒子貢觀蜡是也亦黨正爲主人

主人就先生而謀賓介

主人謂諸侯之鄉大夫也先生鄉中致仕者賓介處士賢者周禮大司徒

之職以鄉三物教萬民而賓興之一曰六德知仁聖義忠和二曰六行孝友睦婣任恤三曰六藝禮樂射御書數鄉大夫以正月之吉受法於司徒退而頒之於其鄉吏使各以教其所治以攷其德行察其道藝及三年大比而興賢者能者鄉老及鄉大夫帥其吏與其眾寡以禮禮賓之厥明獻賢能之書於王是禮乃三年正月而一行也諸侯之鄉大夫貢士於其君蓋如此云古者年七十而致仕老於鄉里大夫名曰父師士名曰少師而教學焉恆知鄉人之賢者是以大夫就而謀之賢者爲賓其次爲介又其次爲眾賓而與之飲酒是亦將獻之以禮禮賓之也今郡國十月行此飲酒禮以黨正每

歲邦索鬼神而祭祀則以禮屬民而飲酒於序以正齒位之說然此篇無正齒位之事焉凡鄉黨飲酒必於民聚之時欲其見化而知尚賢尊長也孟子曰天下有達尊三爵也德也齒也

右謀賓介

記鄉朝服而謀賓介皆使能

鄉鄉人謂鄉大夫也朝服冠元

端綳帶素韞白履今郡國行鄉飲酒之禮元冠而衣皮弁服與禮異

主人戒賓

賓拜辱主人答拜乃請賓實禮辭許主人再拜賓

答拜

戒警也告也拜辱出拜其自屈辱至己門也主人退賓

拜辱

退猶去也去又拜介亦如之

右戒賓介

記不宿戒

再戒為宿戒禮將有

乃席賓主人介

席敷席也夙興往戒歸而敷席賓席隔前南

眾賓之席皆不屬焉

相續也皆獨坐明其德各特

尊兩壺

於房戶間斯禁有元酒在西設篚於禁南東肆加二勺於兩

壺斯禁禁切地無足者元設洗於阼階東南南北以堂深東

西當東榮水在洗東篚在洗西南肆榮屋翼

右設席陳器 記蒲筵緇布純筵席也純絳也尊綌冪賓至徹之

綌葛也冪覆尊巾

羹定內謂之羹定猶孰也主人速賓賓拜辱主人答拜還賓拜辱速召也還

也猶退介亦如之如速賓也賓及眾賓皆從之從猶隨也言及眾賓介亦在其中矣

右速賓 記其牲狗也狗取擇人亨於堂東北祖陽氣之所始也陽氣主養易

日天地養萬物聖人養賢以及萬民

主人一相迎於門外再拜賓賓答拜拜介介答拜相主人之吏擯贊傳

命揖眾賓差益卑也拜介揖主人揖先入揖揖賓也先賓入門而西面賓厭

介入門左介厭眾賓入眾賓皆入門左北上皆入門西東面

於主人也推手曰揖引手曰厭今主人與賓三揖至於階三

讓主人升賓升主人阼階上當楣北面再拜賓西階上當楣

北面答拜三揖者將進揖當陳揖當碑揖當

右迎賓 記立者東面北上若有北面者則東上賢者眾

也或統於堂或統於門

主人坐取爵於篚降洗將獻賓降從主主人坐奠爵於階前

辭重以已事煩賓也事賓對對答也主人坐取爵興適

洗南面坐奠爵於篚下盥洗已盥乃洗爵致潔賓進東面北

辭洗必進東主人坐奠爵於篚興對賓復位當西序東面言

位者明始降主人坐取爵沃洗者西北面沃洗者主卒洗主

人盥揖壹讓升俱升古文賓拜洗主人坐奠爵遂拜降盥復

爲手賓降主人辭賓對復位當西序卒盥揖讓升賓西階上

疑立之疑疑讀爲疑然從於趙盾主人坐取爵實之賓之席前西

北面獻賓酒於賓進賓西階上拜主人少退少辟賓進受爵

以復位主人阼階上拜送爵賓少退復位復西薦脯醢薦進

之者司賓升席自西方升由下也乃設折俎牲體枝解主人

阼階東疑立賓坐左執爵祭脯醢醢者以右手也奠爵於薦

西興右手取肺卻左手執本坐弗繚右絕末以祭尙左手噉

之興加於俎興起也肺離之本端厚大者繚猶紆也大夫以

末噉坐挽手遂祭酒挽拭也古與席末坐啐酒啐亦降席坐

奠爵拜告旨執爵興主人阼階上答拜也降席席西賓西階上

北面坐卒爵興坐奠爵遂拜執爵興主人阼階上答拜也卒盡

此盡酒者明此席非專為飲酒起

右獻賓 記獻用爵其他用解爵尊不 凡舉爵三作而

不徒爵謂獻賓獻大夫獻工皆有薦 按此條後 薦脯

五挺橫祭於其上出自左房挺猶臠也鄉射禮曰祭半臠

陽主養房饌陳處也冠禮之饌脯醢南上曲禮 俎由東壁

日以脯修置者左胸右末 後凡薦脯醢通用 俎由東壁

自西階升俎饌於東方 賓俎脊脅肩脯主人俎脊脅臂肺

介俎脊脅胙肺肺皆離皆右體進腩凡牲前脰骨三肩臂

也尊者俎尊骨卑者俎卑骨祭統曰凡為俎者以骨為主

骨有貴賤凡前貴後賤離猶揜也腩理也進理謂前其本

也今文胙作胙印本胙上有肫字朱子據音疏刪去 以爵

拜者不徒作起必酬主人 拜既爵者不徒起坐卒爵者拜既

爵立卒爵者不拜既爵降殺各從其宜不使相錯唯工不

及賓介酬主人通用可也立卒爵者不拜既爵見獻眾賓章

賓降洗

將酬主人

主人降

亦從賓也降降立阼階東西面

賓坐奠爵興辭西階主前也

人對賓坐取爵適洗南北面主人阼階東南面辭洗賓坐奠

爵於篚興對主人復阼階東西面賓東北面盥坐取爵卒洗

揖讓如初升主人拜洗賓答拜興降盥如主人禮賓實爵主

人之席前東南面酬主人主人阼階上拜賓少退主人進受

爵復位賓西階上拜送爵薦脯醢主人升席自北方設折俎

祭如賓禮

祭者祭薦俎及酒亦嚙啐

不告旨

酒己物也

自席前適阼階上北面

坐卒爵興坐奠爵遂拜執爵興賓西階上答拜

自席前者啐酒席末因從

北方降

主人坐奠爵於序端阼階上北面再拜崇酒賓自西

階上答拜

東西牆謂之序崇充也言酒惡相充實

右賓酬主人 記主人介凡升席自北方降自南方席南

由下降由上由便也凡主人介升席降席通用唯此章降自北方後皆降自南方又主人之俎見獻賓章介爵

酬爵僕爵皆居右三爵皆飲爵也介賓之輔也酬所以酬主人也遵謂鄉人為卿大夫來觀禮者

酬或為作僕或為馴 古文僕作 遵見少儀獻介章有遵者章通用

主人坐取觶於篚降洗賓降主人辭降賓不辭洗立當西序

東面不辭洗者以 卒洗揖讓升賓西階上疑立主人實觶酬其將自飲

賓阼階上北面坐奠觶遂拜執觶興賓西階上答拜酬勸酒也酬之

言周忠 信為周坐祭遂飲卒觶興坐奠觶遂拜執觶興賓西階上答

拜主人降洗賓降辭如獻禮升不拜洗不拜洗 殺於獻賓西階上立

主人實觶賓之席前北面賓西階上拜主人少退卒拜進坐

奠觶於薦西賓已拜主 人奠其賓辭坐取觶復位主人阼階上拜送

賓北面坐奠解於薦東復位酬酒不舉君子不盡人之歡不竭人之忠以全交也

右主人酬賓 記凡奠者於左不飲者不飲其妨 將舉於右便也

舉於右見下一人 客爵居左其飲居右客爵謂主人所

舉解二人舉解章 少儀其飲居右見下二人舉解章

主人揖降賓降立於階西當序東面主人將與介為禮賓謙不敢居堂上 主人

以介揖讓升拜如賓禮主人坐取爵於東序端降洗介降主

人辭降介辭洗如賓禮升不拜洗介禮殺也 介西階上立不言疑

主人實爵介之席前西南面獻介介西階上北面拜主人少

退介進北面受爵復位主人介右北面拜送爵介少退主人

介右降尊以就卑 主人立於西階東薦脯醢介升席自北方

設折俎祭如賓禮不啻肺不啻酒不告旨自南方降席北面

坐卒爵興坐奠爵遂拜執爵興主人介右答拜不齊辟下賓

右主人獻介介居右見賓酬主人章

介降洗主人復阼階降辭如賓如賓酬之時卒洗主人盥盥者當為介酌

介揖讓升授主人爵於兩楹之間就尊南授之介不自酌介下賓酒者賓主共之

西階上立主人實俎酬於西階上介右坐奠爵遂拜執爵興

介答拜主人坐祭醢飲卒爵興坐奠爵遂拜執爵興介答拜

主人坐奠爵於西楹南介右再拜崇酒介答拜奠爵西楹南者以爵獻眾

賓也主人復阼階揖降介降立於賓南

右介酬主人

主人西南面三拜三拜一拜示偏不闕禮也不升拜賤也賓眾賓皆答一拜

主人揖升坐取爵於西楹下降洗升實爵於西階上獻眾賓

眾賓之長升拜受者三人

長其老者三人則眾賓多矣

主人拜送

於眾坐

祭立飲不拜既爵授主人爵降復位

既卒也卒爵不拜立眾

實獻則不拜受爵坐祭立飲

次三人

以下也

每一人獻則薦

諸其席

謂三

眾賓辯有脯醢

亦每獻

薦於其位

主人以爵

降奠於篚

不復用也

右主人獻眾賓

記眾賓之長一人

辭洗如賓禮

於三人

差有尊者餘二人雖為之洗不敢

不洗立卒爵者不拜既爵見獻

負章

樂正與立者

皆薦以齒

謂其飲之次也既飲皆薦

同於賓黨不言飲而言

北

主人之贊者西面北上不與

主人禮事徹筯沃盥

設薦俎者西面北上統於堂也與及也不及謂不獻酒

無算

然後與

燕乃

揖讓升賓厭介升介厭眾賓升眾賓

升即席

序次也即就

爲一人洗升舉觶於賓人主人之更實觶西階上坐奠觶

遂拜執觶興實席末答拜坐祭遂飲卒觶興坐奠觶遂拜執

觶興實答拜降洗升實觶立於西階上賓拜賓拜拜將受觶進坐奠

觶於薦西賓辭坐受以興舉觶不授下主人也言坐受舉觶

者西階上拜送賓坐奠觶於其所所屬舉觶者降已事

右一人舉觶記將舉於右其飲樂作大夫不入後若賢者

若有道者一人舉觶後乃入其禮詳見篇末及鄉射篇

設席於堂廉東上爲工布席也側邊曰廉燕禮曰席工於西

立於西階東則工四人二瑟瑟先相者二人皆左何瑟後首

擗越內弦右手相也四人大夫制也二瑟二人鼓瑟則二人歌

之少者爲之每工一人鄉射禮曰弟子相工如初入天子相

工使視燎者凡工皆膝也故有扶之者師冕見及階子曰

也及席子日席也周相師之道後首者變於君也持持也相
瑟者則爲之持瑟其相歌者徒相也越瑟下孔也內弦側撻
之樂正先升立於西階東也正長工人升自西階北面坐相者

東面坐遂授瑟乃降降立於西工歌鹿鳴四牡皇皇者華者

皆小雅篇也鹿鳴君與臣下及四方之賓燕講道修正之樂
歌也此采其已有旨酒以召嘉賓嘉賓既來示我以善道又
樂嘉賓有孔昭之明德可則倣也四牡君勞使臣之來樂歌
也此采其勤苦王事念將父母懷歸傷悲忠孝之至以勞賓
也皇皇者華君遣使臣之樂歌也此采其更是勞
苦自以爲不及欲諮謀於賢知而以自光明也卒歌主人
獻工工左瑟一人拜不興授爵主人阼階上拜送爵之一人
工爲之洗薦脯醢使人相祭其祭酒祭薦工飲不拜既爵授
主人爵之坐授眾工則不拜受爵祭飲辯有脯醢不祭酒祭
不祭也今大師則爲之洗賓介降主人辭降工不辭洗若大
文辯爲偏大師則爲之洗尊之也賓介降從主人也工大
師也上既言獻工矣乃言大師者大師或瑟或歌也其獻之

瑟則先笙入堂下磬南北面立樂南陔白華華黍笙吹笙者歌則後

此詩以爲樂也南陔白華華黍小雅篇也今亡其義未聞昔周之興也周公制禮作樂采時世之詩以爲樂歌所以通情

相風切也其有此篇明矣後世衰微幽厲尤甚禮樂之書稍廢棄孔子曰吾自衛反魯然後與正雅頌各得其所謂當

時在者而復重雜亂者也惡能存亡者乎且正考父校商之名頌十二篇於周大師歸以祀社先王至孔子二百年之

間五篇而已主人獻之於西階上一人拜盡階不升堂受爵此其信也

主人拜送爵階前坐祭立飲不拜既爵升授主人爵一人笙

也笙三人和一人凡四人眾笙則不拜受爵坐祭立飲辯有鄉射禮曰笙一人拜於下

脯醢不祭亦受爵於西階上薦之皆乃閒歌魚麗笙由庚歌

南有嘉魚笙崇邱歌南山有臺笙由儀開代也謂一歌則一

魚麗言太平年豐物多也此采其物多酒旨所以優賓也南有嘉魚言太平君子有酒樂與賢者共之也此采其能以禮

下賢者賢者爲本此采其愛友賢者爲邦家之基民之父母既治以賢者爲本此采其愛友賢者爲

欲其身之壽考又欲其名德之長乃合樂周南關雎葛覃卷

耳召南鵲巢采芣采蘋合樂謂歌樂與眾聲俱作周南召南

歌也關雎言后妃之德葛覃言后妃之職卷耳言后妃之志

鵲巢言國君夫人之德采芣言國君夫人不失職采蘋言卿

大夫之妻能循其法度昔太王季居於岐山之陽躬行召

南之教以與王業及文王而行周南之教以受命大雅云刑

於寡妻至於兄弟以御於家邦謂此也其始一國耳文王作

邑於豐以故地為卿士之采地乃分為二國周周公所食召

召公所食於時文王三分天下有其二德化被於南土是以

其詩有仁賢之風者屬之召南焉有聖人之風者屬之周南

焉夫歸之道生民之本王政之端此六篇者其教之原也故

國之君與其臣下及四方之賓燕用之合樂也鄉飲酒升歌小雅禮

小雅為諸侯之樂大雅為天子之樂鄉飲酒升歌小雅禮

盛者可以進取也燕合鄉樂禮輕者可以逮下也春秋傳曰

正告於賓乃降

樂正降者以正歌備無

事也降立西階東北面

歌頌合大雅其笙間之篇未聞工告於樂正曰正歌備樂

樂也然則諸侯相與燕升歌大雅合小雅天子與次國小國

之君燕亦如之與大國之君燕升

歌頌合大雅其笙間之篇未聞

工告於樂正曰正歌備樂

樂也然則諸侯相與燕升歌大雅合小雅天子與次國小國

之君燕亦如之與大國之君燕升

歌頌合大雅其笙間之篇未聞

工告於樂正曰正歌備樂

樂也然則諸侯相與燕升歌大雅合小雅天子與次國小國

之君燕亦如之與大國之君燕升

歌頌合大雅其笙間之篇未聞

右樂賓 記獻工與笙取爵於上篚既獻奠於下篚明其

敬也如是則獻大其笙則獻諸西階上謂主人拜送爵也

夫亦然上篚三爵者以其坐於西階東也古文無上獻於工拜於阼階上

賓章舉爵三作而不徒爵此章通用鼓之鄉從也雷以東西為從鼓猶擊也大夫而特縣方賓

主人降席自南方不由北側降賓介不作相為司正司正禮

辭許諾主人拜司正答拜作使也禮樂之正既成將留賓為

也主人升復席

右立司正

司正洗解升自西階阼階上北面受命於主人主人曰請安

於賓司正告於賓賓禮辭許為賓欲去雷之司正告於主人

主人阼階上再拜賓西階上答拜司正立於楹間以相拜皆

揖復席

再拜拜賓許也司正既以賓許告主人

司正實解降

自西階階間北面坐奠觶退共少立

階間北面東西節也其南北當中庭共拱手也

少立自正慎其位也已帥而正

坐取觶不祭遂飲卒觶與坐

奠觶遂拜執觶與洗北面坐奠觶於其所退立於觶南

洗觶奠之

示潔敬立於其南以察眾

右司正舉觶

記司正既舉觶而薦諸其位

司正者主人之屬也無獻

因其舉觶而薦之也

賓北面坐取俎西之觶阼階上北面酬主人主人降席立于

賓東

初起旅酬也凡旅酬者少長以齒終于沃盥者皆弟長而無遺矣

賓坐奠觶遂拜執觶

與主人答拜不祭立飲不拜卒觶不洗實觶東南面授主人

賓立飲卒觶因更前以鄉主人將授

主人阼階上拜賓少退主人受觶賓拜送

于主人之西旅酬同賓揖復席人記主人西階上酬介介降

席自南方立于主人之西如賓酬主人之禮主人揖復席其

實解西南面授介自此司正升相旅曰某子受酬受酬者降

以下旅酬酌者亦如之司正

席旅序也於是介酬眾賓眾賓又以次序相酬某者眾司正

退立于序端東面下也始升相西階西北面受酬者自介右

由介東也尊介眾受酬者受自左後將受酬者皆由西變拜

興飲皆如賓酬主人之禮嫌賓以韓卒受者以觶降坐奠于

筐爵辭眾賓之在下者也鄉射禮曰辭司正降復位解南

右旅酬 記凡旅不洗敬禮之不洗者不祭不甚既旅士

不入後正禮也既使二人舉觶于賓介洗升賓觶于西階上皆坐奠觶遂拜執

解興賓介席末答拜皆坐祭遂飲卒解興坐奠解遂拜執解

興賓介席末答拜

二人亦主人之吏若有大夫則舉解于賓與大夫燕禮曰廢爵者立于洗南西面北

上序進盥洗

逆降洗升實解皆立于西階上賓介皆拜于席皆進

薦西奠之賓辭坐取解以興介則薦南奠之介坐受以興退

皆拜送降賓介奠于其所

實言取介言受尊卑異文今文曰賓受

右二人舉解

將舉于右其飲居右見主人酬賓章

司正升自西階受命于主人主人曰請坐于賓賓辭以俎

至此

盛禮俱成酒清肴乾賓主百拜強有力者猶倦焉張而不弛弛而不張非文武之道請坐者將以賓燕也俎者肴之貴者

辭之者不敢以禮殷當貴者

主人請徹俎賓許亦司正傳

司正降階前命

弟子俟徹俎

西階前也弟子賓之少者俎者主人之吏設之使弟子俟徹者明徹俎賓之義

司正升

立于席端

待事

賓降席北面主人降席阼階上北面介降席西

階上北面遵者降席席東南面

皆立相須徹俎也遵者謂此

助主人樂賓主人所榮而遵法者也因以爲名賓取俎還授

司正司正以降賓從之主人取俎還授弟子弟子以降自西

階主人降自阼階介取俎還授弟子弟子以降介從之若有

諸公大夫則使人受俎如賓禮眾賓皆降

取俎者皆鄉其席既授弟子皆降復

初入之位

右徹俎 記徹俎賓介遵者之俎受者以降遂出授從者

送主人之俎以東

藏於東方

說屨揖讓如初升坐

說屨者爲安燕當坐也必說于下者屨

大說乃羞

羞進也所進者有燕醢也海設骨體所以致敬也無

爲稅算爵算數也賓主燕飲爵行無數醉而止也鄉射禮曰使二

人舉解于賓與大夫又曰執解者洗升實解反奠于賓

與大夫無算樂燕樂亦無數或間或合盡歡而止也春秋襄
皆是二十九年吳公子札來聘請觀于周樂此周
君之無算

右燕

主人之贊者無算爵
然後與見獻眾賓章

賓出奏陔

陔陔夏也陔之言戒也終日燕飲酒罷以陔為節
明無失禮也周禮鍾師以鍾鼓奏九夏是奏陔夏

則有鍾鼓矣鍾鼓者天子諸侯備用之大夫士鼓而已蓋建
于阼階之西南鼓鄉射禮曰賓興樂正命奏陔賓降及階陔
作賓出眾主人送于門外再拜門東西面拜也賓介
賓皆出

右賓出

記樂正命奏陔賓出至于階陔作

賓若有遵者諸公大夫則既一人舉觴乃入

不干主人正禮
也遵者諸公大

夫也謂之賓者同從外來

耳大國有孤四命謂之公席于賓東公三重大夫再重

席此
二者

于賓東尊之不與鄉人齒也天子之國三命者不齒於諸公
侯之國爵為大夫則不齒矣不言遵者遵者亦卿大夫

如大夫入主人降賓介降眾賓皆降復初位主人迎揖讓升

公升如賓禮辭一席使一人去之

如讀若今之若主人迎之于門內也辭一席謙自同

于大夫則如介禮有諸公則辭加席委于席端主人不徹

無諸公則大夫辭加席主人對不去加席

加席上席也大夫席再重

右有遵者 記若有諸公則大夫于主人之北西面

其西面者

北上統于公 舉爵三作而不徒爵見獻賓章侯爵居右見賓酬主人章

明日賓鄉服以拜賜

拜賜謝恩惠鄉服昨日與鄉大夫飲酒之朝服也不言朝服未服以朝也今文

曰賓服 主人如賓服以拜辱

拜賓復自屈辱也鄉射禮曰賓朝服以拜賜于門外主人不見

如賓服遂從之拜辱于門外乃退

右拜禮

主人釋服

釋朝服更服元端也古文釋作舍

乃息司正

息勞也勞賜昨日贊執事者獨云司正司

正庭也無介勞禮略也不殺市買若因所有可薦脯醢也羞同羞

唯所有仕有徵唯所欲徵召也以告于先生君子可也告請也先生不
以筋力為禮于是可以來君子國實介不與禮讀鄉樂唯欲
中有盛德者可者召不召唯所欲賓介不與禮讀鄉樂唯欲
鄉樂周南召南六篇之中唯所欲作不從次也不歌鹿鳴魚麗者辟國君也

右息司正

鄉飲酒義鄉飲酒之義主人拜迎賓於庠門之外入三揖而
后至階三讓而后升以致尊讓也庠鄉學也盟洗揚觶所
以致絜也揚舉也今拜至拜洗拜受拜送拜既所以致敬也
拜至謂始升尊讓絜敬也者君子之所以相接也君子尊讓
時拜拜賓至則不爭絜敬則不慢不慢不爭則遠於鬪讎矣不鬪讎則無
暴亂之禍矣斯君子所以免於人禍也故聖人制之以道謂
此鄉人士君子尊於房戶之間賓主共之也尊有元酒貴其

質也

鄉人鄉大夫也土州長黨正也君子謂鄉大夫士也鄉大夫士飲國中賢者亦用此禮也其尊者人臣卑不敢

惠大

羞出自東房主人共之也

羞燕私可以自專也

洗當東榮主人之

所以自絜而以事實也

絜猶清也

賓主象天地也介僎象陰陽也

三賓象三光也讓之三也象月之三日而成魄也四面之坐

象四時也

陰陽助天地養成萬物之氣也三賓象天三光者繫于天也古文禮僎皆作遵

天地嚴凝

之氣始于西南而盛于西北此天地之尊嚴氣也此天地之

義氣也天地溫厚之氣始於東北而盛於東南此天地之盛

德氣也此天地之仁氣也

凝猶成也

主人者尊賓故坐賓於西北

而坐介於西南以輔賓賓者接人以義者也故坐於西北

賓者

接人以義言賓來以成主人之德

主人者接人以仁以德厚者也故坐於東

南而坐僎於東北以輔主人也

以僎輔主人以其仕在官也

仁義接賓主

有事俎豆有數曰聖聖立而將之以敬曰禮禮以體長幼曰

德聖道也所以通賓主之意也德也者得於身也故曰古之學術道者將

以得身也是故聖人務焉術猶藝也得身者謂成己令名免于刑罰也祭薦祭酒

敬禮也嗜肺嘗禮也啐酒成禮也於席末言是席之正非專

為飲食也為行禮也此所以貴禮而賤財也卒饌致實於西

階上言是席之上非專為飲食也此先禮而後財之義也先

禮而後財則民作敬讓而有所不爭矣致實謂盡酒也酒為觴實祭薦祭酒更嗜

肺于席中者欲其敬讓唯啐酒于席末也孔子曰吾觀於鄉而知王道之易易

也鄉鄉飲酒也易易謂教化之本尊賢尚齒而已主人親速賓及介而眾賓自從之

至於門外主人拜賓及介而眾賓自入貴賤之義別矣速謂即家

召之別三揖至於階三讓以賓升拜至獻酬辭讓之節繁及

介省矣至於眾賓升受坐祭立飲不酬而降隆殺之義辨矣

繁猶盛也小減曰省辨猶別也尊者禮隆卑者禮殺尊卑別也

工入升歌三終主人獻之笙

入三終主人獻之閒歌三終合樂三終工告樂備遂出一人

揚觶乃立司正焉知其能和樂而不流也

工謂樂正也樂止既告備而降言遂

出者自此至去不復升也流猶失禮也一人或爲二人

賓酬主人主人酬介介酬眾賓

少長以齒終於沃洗者焉知其能弟長而無遺矣

遺猶脫也忘也

說屢升坐修爵無數飲酒之節朝不廢朝莫不廢夕賓出主

人拜送節文終遂焉知其能安燕而不亂也

朝夕朝莫聽事也朝夕朝莫聽事

朝乃飲先夕則罷其正也終遂猶充備也

貴賤明隆殺辨和樂而不流弟長而無

遺安燕而不亂此五行者足以正身安國矣彼國安而天下

安故曰吾觀於鄉而知王道之易易也鄉飲酒之義立賓以

象天立主以象地設介俛以象日月立三賓以象三光古之

制禮也經之以天地紀之以日月參之以三光政教之本也

日出於東僕所在也月生於西介所在也三光三大辰也亨狗於東方祖陽氣之發於東

方也祖猶法也狗所以養實陽氣生養萬物洗之在阼其水在洗東祖天地之

左海也海水之委也尊有元酒教民不忘本也賓必南鄉東方者

春春之爲言蠢也產萬物者聖也南方者夏夏之爲言假也

養之長之假之仁也西方者秋秋之爲言愁也愁之以時察

守義者也北方者冬冬之爲言中也中考藏也是以天子之

立也左聖鄉仁右義俏藏也春猶蠢也蠢動生之貌也聖之言生也假大也愁讀爲棼棼斂

也察猶察察嚴殺之貌也察或爲殺介必東鄉介賓主也獻酬之禮主人將西賓將南介覲其間也

主人必居東方東方者春春之爲言蠢也產萬物者也主人

者造之產萬物者也月者三日則成魄三月則成時是以禮
有三讓建國必立三卿三賓者政教之本禮之大參也

言禮者陰

也大數取象
法於月也

朱子曰魄者月之有體而無光處也故書言哉生明旁死
魄皆謂月二三日月初生時也言既生魄卽謂月十六日
月始闕時也此篇兩言月三日而成魄疏知其繆而曲徇
之故相戾之甚也